



KOMUNIKADO PA PRENSA

Fecha

10 di novèmber 2015

Kolaborador di Komunikashon

Corinne Leysner

Email

corinne.leysner@gobiernu.cw

ADAPTASHON DI TRÁFIKO NA ADMIRAAL DE RUYTERKADE

Willemstad – Pa motibu di trabounan den infrastruktura na altura di Admiraal de Ruyterkade na Punda, un parti di e kaminda akí ta será pa tráfiko for di djaweps 12 di novèmber. Ta trata di e parti for di SFT bank te ku e krusada di Fuikstraat. E kaminda si ta keda aksesibel pa motibu ku e otro banda di dje, esta esun na banda di Waaigat, ta bira un kaya di dos direkshon. E kambionan akí ta dura mas òf ménos 3 siman.

Ta sera tráfiko na un banda pa por hasi trabounan na e pipanan di riol ku ta den hopi mal estado. E trabou ta parti final di henter eambio di sistema di kloaka den Punda. Dor di e kambionan, ta separá awa di riol for di awaseru. E awa di riol ta bai Klein kwartier pa purifikashon, mientras e awaseru ta bai Waaigat. Servisio pa Obra Públiko (OW) ta pone posnan pa fangu zeta pa asina por deshasí regularmente di residual di e restorantnan den besindario.

Riba e pintura ku ta huntu ku e komunikado akí, ta mira unda e trabou ta tuma lugá. OW, Departamentu di Tráfiko di Polis i e kontratista CWM ta pidi habitantenan, propietarionan i tur outomobilista pa tene debito kuenta ku e kambionan i kore ku koutela. Tambe ta spera kompreshon i ta gradisí di antemano pa e koperashon.